

Arubaanse Courant

DIARIO

Dia Huebs 22 September 1966

No. 7962

ARUBA DI ANTAÑO

KLAAS VAN EEKHOUT PROMER MAESTRO DI SCOOL



E edificio manera ei a worde traha na 1888 no tabata mes grandi manera e actual biblioteca. Na anja 1922 mas o menos dos edificio a ser construi na e parti patras y na 1954 e dos localnan aki a ser conecta na otro cu un muraya. Aki riba nos por mira e scooldi gobierno promer cu anja 1922. Mas na robez (banda di mulina) e cas di Gezaghebber, cual a ser basha abau na 1949. Na drechi mas adilanti, e teatro aire libre di Eddy De Veer y Pension Aruba (actualmente Hotel Colombia).

te, no tabatin palo den su poder. Dia 4 di Agosto 1887, e palonan ta yega.

Martis mes ta presente y e plan ta pa keda na Aruba te ora cu e fundeshi ta cla.

Mas despues lo e bolbe bin bek y mientras tanto gezaghebber Gaertse mes lo tira un bista riba e trabounan. E journal di gezaghebber Gaertse ta warda e datonan confidencial.

Diabierna 5 di Agosto 1887 Antoine Martis a yega: "Awe a yega aki e boto di carga "Gouverneur Van den Brandhof" cu e hefe di departamento di construcion, algun metsla y carpinte y e palonan, etc. pa e construcion di e scool nobo di gobierno.

Inmediatamente despues di e yegada e hefe di Departamento di Construcion, despues di a consulta gezaghebber, a cuminsa cu e preparacionnan pa e trabau.

Materialnan

Ta interesante pa sigi e marcha di e sucesonan o for di documentonan bieu. Ora cu e plan ta cla, Antoine ta bin tira un bista.

Como material necesario e ta nota riba 15 di maart 1887: 500 meter cubico di piedra, 700 hectoliter di kalki, 700 hectoliter di santo; 500 hectoliter di klei.

E palonan lo a worde treci for di Corsow, pa motibo cu debi na ausencia di un filiaal di departamento di construcion gezaghebber di Aruba, David Gaer-

Antoine Martis

Na Aruba tabatin den anjanan 80 di siglo pasa, ningun hende di e Departamento di Construcion, cu por a haci tal trabau.

Hefe na Corsow tabata un tal Antoine Martis, e mesuncutambe a traha e scool cu a ser basha abau algun anja pasa: esta Hendrik School na Pietermaai, Corsow, y kende ademas a traha e parti dilanti di Plantersrust, antes un hospital. Di su tres creacionnan, e biblioteca publico na Aruba a worde mehor conserva. Cu hopi trabau nan por a hanja algun informacion biografico di Antoine Martis, cerca su ruman muher Maria Magdalena, kende ta keda den e institucion pa hende bieu "Birgen di Rosario" na Corsow.

Antoine lo a nace na 1837 sea na Aruba of Corsow y na anja 1894 lo el a muri na Corsow. E tabata un homber di ofishi, cu a sinja riba su mes.

Un simple trahador cu smaak y cu un bon bista riba arquitectura. Esun cu mester a midi e biblioteca pa pone estilo moderno den dje, ta mira cu tur esaki ta trabau haci cu man.

Ni dos kozijn ta mescos, e vloer no ta na waterpas. E edificio ta un horror pa e tecnico di e temponan aki, pero un placer pa admiradornan di buniteza. No tabatin kestion di vloer di beton, pasobra Martis a manda su hendenan den cunucu y a laga nan kibra piedra pa asina por a traha vloer.

Despues di e cas Antiguo di Sr. Dootjie Kwartzs den Wilhelminastraat No. 9 (Anja 1867) y Forti Willem III (Anja 1868) e edificio di biblioteca publico den Wilhelminastraat na Oranjestad ta esun di mas bieu den e capital di Aruba.

No esun di mas bieu di e isla, pasobra pa duna un ehempel, e filiaal mas hoben di e biblioteca, cu ta situa na Santa Cruz ta den un edificio cu a ser construi na 1863.

ANTOINE MARTIS A CONSTRUI BIBLITECA

E edificio hermoso di e biblioteca publico tabata antes scooldi di gobierno, primeramente gestionado pa di e nomber aki, despues como Juliana School y mas despues ora cu Juliana School a muda pa Madurostraat el a bira Prinses Margriet School. Durante ultimo guerra mundial e edificio a worde usa un tempo como cuartel di e "schut-

tenant". E enserjanza na Aruba a cuminsa na 1822. Prome cu esey e no tabata existi mes y e no tabata necesario tampoco, pasobra den e tempo di "compagnie" Aruba, ta teritorio Isola, es decir ningun hende tabata permiti establece riba e isla.

Despues di e Indjannan, tabata biba algun famia di hendenan blanco. Mas o menos na anja 1800, e comerciantenan principalmente a establece e posicion excelente di Paardenbaai y asina Oranjestad a bira como un sitio di comercio. Mas y mas hende a establece na Oranjestad y asina pues a bira mester di enserjanza. Na 1824 Aruba tabata conta cu un scool di scool.

Klaas van Eekhout tabata maestro di scool. El a yega a Aruba pa casualidad, e homber tabata na caminda pa Africa for di Hulanda, pero e barco a perde rumbo, y asina

Klaas a bin para te na Corsow. Aya el a solicita na conseho di misa pa un posicion como maestro religioso na Aruba y na mes momento cu iglesia protestant a cuminsa, Van Eekhout a trece enserjanza tambe na Aruba.

E enserjanza tabata ser duna na casnan. A lo largo e lugar naturalmente a resulta chikito y asina a sosode cu riba e presupuesto colonial di 1887 den departamento VI (Edificio di gobierno Central) tres suma a ser vota. Un presupuesto den e anjanan ey tabata contene menos cu esun di awor.

Menos den papel y menos den placa. E tres sumanan di e departamento VI tabata tur loke tabatin mester pa edificionan di gobierno na 1887. Kiko tabata para riba nan?

Fls. 600,-- pa mantencion di edificionan,
Fls. 600,-- pa mantencion di camindanan,
Fls. 8600,-- pa traha un scool y un regenbak.

Generalmente tabata suficiente pa mantene e lugarnan y e motibo pa cual e anja aki e suma halto di Fls. 8600,-- a worde vota, a worde demostra extensamente den un nota:

"Trahamento di un edificio di scool nobo ta necesario, ya cu esun actual ta cerca di basha abau y e no tin suficiente lugar pa e muchanan cu ta bai scool. Posiblemente nan a vota e suma